

子良詩存

子良詩存卷十九

番禺馮詢

奉贈朱煥文軍門

洪章

時金陵既復檄調防江

英雄自小束戎裝轉眼登壇氣倍揚
節鉞勲崇知汗赤
服章

恩耀想眉黃

御賜黃馬褂

建旌不負方強歲衣錦何能遂故

鄉威望愈高勞愈遠九州多事競須防

十載妖巢一旦摧策勲纔獎檄重催已
經幕府山頭過

又向軍門嶺上來萬疊江流從此挽
百蠻烟瘴爲公開

勤求轉憶曾侯相麾下無非大將才

陳鶴舟熊渭川兩畫師合作花果博古玩景夢桂

生題詩屬和

富貴

牡丹

神仙

靈芝

老佛

佛手

家裝成寶玩鬪繁華誰知別有

聞香意處土頭衙署桂花

題狄曼農司馬

學耕

種石圖照

卓卓凌古今子昇一片石文章自不朽石固有時泐何
如琢爲硯世寶守勿失羨君博雅才考古具精識彝鼎
圖書畔石亦等珍璧卻恐造物忌精華發易竭念何以

能守根本要培植第一勿斤斧亦勿太筆墨筆墨與斤
斧鋒異損則一種石如種玉爲君葆美質君圖屬我題
題成意蕭瑟老矣厭摧磨見石不敢癖

蔡耀甫屬題帳簷歸隱圖

貧到不能歸充隱毋乃過以之畫帳簷枵腹笑高卧揣
君用意深我語或不左男兒四方志讀書萬卷破豈無
遠到才一往悉挫折未進先思退此意得幾箇君今正
入幕治爲主人課已亦見經綸出則蒼生賀急流要勇
退毋悞入坎壈看雲戀故山穩辨胡床坐

題莫堯夢歸圖

有田不歸如江水坡老何曾遂知止喚醒直待春夢婆
白髮天涯望鄉里不妨長作嶺南人坡老荔枝留其身
胡爲公愛我輩棄後先越嶺馳紅塵我已三十年君亦
二十載共飲西江水水味竟何在況復鼙鼓動地來翻
州盪縣揚劫灰殘官畏首又畏尾恨不及早謀乞骸出
處純任天無可無不可我退未能歸君仕歸甯果卻喜
名爭利戰間一枕尙容人穩卧咄哉白首郎妙入黑胡
鄉闌紅院碧林木蒼坐取佳果次第嘗君家石硤好龍

眼耻爲荔枝名獨揚飽領鄉味倦眼忽張神仙眷屬依
稀在旁蓬頭奴子花面婢幻出青衣紅粉裝頃刻惺惺
轉蹙蹙左右官書照官燭鐘鳴漏盡夜行不休惟莊生
夢可以長遊得官見屍財見穢莫向夢中求富貴夢歸
亦勿夢田園足穀多牛總非計

張鳳翔都尉

大雄

及其配陳淑人五十雙慶徵詩

絳灌不能文機雲不能武卓哉張都尉武庫而文府少
壯值時艱投筆續贊弩功成笑還家強毅轉媚嫵藹然
說詩禮教子作家譜長已步蟾宮仲亦列賢序羣季皆
子良詩存

俊秀聯翩看高舉有子盡知書而翁自振旅外禦雖有成內助豈無補佐以絳帳傳博得綵衣舞
雙詒荷

新恩百戰懷舊苦妻榮兼子貴未老秩正五及茲令誕辰賓戚集祝祐徵詩誰健者文章壽千古

爲劉養素方伯

于滄

六十壽

時方伯陳臬甘肅留辦江西軍務

韶華正盛業方與元老新猷舊請纓鄉

國兼籌宜任重怨勞不避易功成誰能百戰從儒起公是三台應數生想見英雄才遠到西疆南服兩威名

曾陪樽俎共徜徉佳日清遊集水鄉得地蕭疎聊學圃

公於百花洲築別墅題曰學圃愛才衰朽亦登堂直於當代撐如柱敢

爲斯民進此觴歌舞自成戈自止千秋全福老汾陽

丁壽民都督玉麟像贊

二十從戎三千就路忠孝難全生死弗顧戰南戰北爲

國爲民

帝曰酬汝武功將軍大野星沈長途風烈淚洒英雄出

師未捷白髮在堂黃口在庭一家受

恩千載揚名

於友人處見何鏡海觀察應祺贛州軍中詩信題

二絕句奉寄兼索素心蘭

劍邊飛白酒邊紅唱到從軍艷體工莫道何郎惟傅粉

乍離巾幘便英雄

信云此詩必與老良看使知鏡海非僅能艷體也

舊句君誇絕妙詞萬花圍席看題詩成素心倘贈先馳信勝似棋蘭報捷時

爲張星輔翁題橫琴獨立圖

君是江湖閱歷歸鬚眉如畫鬢如絲孫登不作嵇康死
獨立橫琴欲向誰

有人以文仇合璧田家樂圖詠托售此佳本也而
竟無售者予亦無錢以售之悵然題詩

花明柳暗一村村天與漁樵繪麗暄妙墨文仇誰不愛
豈知高處只田園

老夫貧寂守山阿嗜好平生悔奈何買畫買書兼買酒
算來錢比買田多

薛慰農觀察屬題紅樹碧山圖時觀察方任杭嘉
湖以引疾暫退與予重遇江右

青山紅樹勿回舟劫過安排要勝遊卻是西湖金碧地

只宜春色不宜秋

十年牧令忽監司
喜見新猷屬舊知
轉憶荻花楓葉路
青衫垂淚送君時

題楊子青書記

芳松

讀書圖

世亂耻爲儒
戎幕乃必聘
羨君書記才
意氣高生並
投筆自短褐
讀書自長檠
磨墨似磨人
變衣非變性
勞未草檄完
樂早蒔廬定
圖書列萬卷
花樹繞三徑
此身便榮貴
所志則清淨
老夫一文吏
亦復操軍政
退矣竟何功
披圖轉游泳
悔不十年讀
窮達固有命

爲梁介伯大令

世英

題靜觀圖照

階前逐逐雜虫爭，床下唧唧牛蟻鳴。
萬千色色而形形，化爲名場吁可驚。
梁侯圖治厲以精，雖厲不作郢都鷹。
黃綢臥起耳目清，繪圖靜觀爲圖名。
簿書餘墨入畫手，不畫公廳畫閒藪。
情幽自合魚鳥親，性定豈須麋鹿友。
卻思靜者動之緣，以動觀靜物變遷。
機心機事滿眼前，君不見雀捕螳。
蜋蜋捕蟬蟬圖作此景

何鏡翁贛軍凱旋見惠素心蘭賦謝

牡丹花之王，蘭亦王者香。
聞君奏凱歸，携此花兩行。
暫

卸錦袍重曳綈富貴何如素襟好多君惠我一點心瓦
盆鄭重珍於寶此花自簞栽靈岩忽劫灰斧斤滿地株
剩幾披荆斬棘今移來蘭錡功成獻

天子衣染天香燦朱紫固知根本不能忘沅澧幽芳是

臣里

鏡翁
楚人

人生處處結蘭因豈可有花無故人故人冷

如此閒門花落矣絢爛已過平淡高感君贈我意良美

側聞元戎性愛花窮搜衆艷兼幽芽

謂鮑
軍門

陳芳國便擒

王返卻恐卉地愁驚沙我佩君花爲君禱滋蔓卽除心
未了願憑選拔盡升庭眼前小草知多少

謝夢梅將之江南出許懷堂所畫冊子屬題

梅翁携此欲何之
亂厭文章愛鼓釐
送爾過江情不盡
許君成畫我成詩

送李芋仙弟之任東鄉

讀君贈我句知予
惟一真吁嗟君病
卽坐此以真入世
疑不倫鴻濛初造
物搏土原假人撒
手便作有窮氏笑
面誰是無懷民萬
千古籍君能讀一
人名場先忤俗拙
宦何其迂巧宦何
其娛胡爲巧勝拙
能使黔首愚黔首
不可愚君還讀我
書爲政大有術措
置宜躊躇君今奉

檄治東鄉此地殘賊方兵餘豈可刑驅復勢禁或培元
氣仍經畚臨別贈言愧冒昧葆素守貞爲報最老夫
酒待君歸功成更辦真率會

歸去來圖爲姚慕庭大令

清昌題

買隱何年首重搔吾廬猶在厭塵勞人間世已蒙莊達
歸去來宜靖節高花月琴樽三徑樂文章經濟一門豪
閒情便賦非凡筆曾爲時艱晝夜操

調大令
自題

頻年知交聚散無常往往望書不至偶作

有書無報莫嗔他或者途迷驛使差記否東湖東畔路

過橋雙柳是吾家

贈黎召民方伯

恩知纔通便恢恢會上英雄膺亢臺科第成名關世運

華夷定局借君才機辦夷務總局心經黃檗多年苦眼見紅薇

特地開今日用人皆破格是真男子肯空來

一歲三遷業望隆長城轉憶都崇墉爲民苦歷千番劫

將母榮邀二品封方伯初守南安被寇解圍大府以太夫人實親督防勦論功入奏得

吉封二品夫人異數也誤報沙場勞問訊粵中競傳方伯殉難令兄方流孝廉馳書問耗

許還鄉里勝酬庸時方侍養乞假有思歸之語左圖右史終無恙風

雅思君浩蕩胸

寓園白芍藥盛開胡硯生侍御韋伯謙太史劉養
素王秉清何鏡海三方伯蔡芥舟廉訪許星臺
觀察向子仲太守李翰之刺史譚覺軒狄曼農
潘鳳岐三大令黎碧珊貳尹許和軒譚雲堂兩
少尉許貢臣秀才黃雲桷上舍連日枉過飲酒
賦詩卽席呈二律

艷桃嬌杏讓幽叢到此方知造化工清淨根原證西土
繁華收拾付東風豈應避面羞樊素未免癡心愛小紅

花有紅心數點愧我蹉跎翻大悟英雄從古布衣中

紛紛榮落總蓬蒿春後看花笑我曹滿腹精神宜蘊藉
到頭事業只清高不教膏澤汚顏色終恐霜痕入鬢毛
多謝豐臺豪貴客肯來寒薄賦林皋

送蔡芥舟廉訪

錦青

觀察迤東

徵書飛調擁旄催慷慨滇池洗甲來鸚鵡樓臺從古峙
鎮南州有鸚鵡山驂駟道路卽今開蠻夷動色新符節賓客街
恩舊酒杯萬里巡宣公望重安邊甯止尙邊才

轉眼雲泥分已殊府中從事憶同趨卅年愧我空遊楚

五月看公正渡瀘受不次

恩難報稱到無量地易馳驅蒙樂山亦功成莫忘枌榆

樂待繪鄉人贈別圖同鄉公餞

西園雅集圖無名氏畫

只合西園步後塵何須北宋問前因行雲流水三千界
詠月吟風十六人現相有僧兼有妓忘形無主亦無賓
羣賢真意誰能會不敢留名畫已神

題董海峯銀臺同年瀟山臨米南宮書遺卷應令

嗣鶴樵司馬世講萼榮之屬

中外分途各宦車
信音迢遞歲消除
卅年契合原同譜
一卷驚看已異書
過眼雲烟聊復爾
到頭金石竟何如
米家大小皆爲手
墨寶流傳幸勉諸

花盡春深酒闌人散轉因雅集遙悵離羣寄知己

李芋仙陳南邨兩大令

貧老邱園賴花不寂寞造物意無私點綴到寒薄
殿以紅薔薇先之白芍藥五彩集簪裾十日恣杯杓
酒闌人散後傷春歎零落勝會古不常良朋興偶託
忽感素心人咫尺等海角幸種滿縣花頒春卽行樂
憂樂心便

同行藏事已各安得平生交盡住一村郭奢願覓誰償
厚意肯我卻速呈紀事詩豫訂看花約

白芍藥詩意有未盡再作一首

留春偏爾得春多十二幽闌一色過歷久冰霜知洗鍊
開齊時節愛清和榮華偶聚仍金帶朗潤交輝況玉柯
習氣未除終是累年年香愛蝶蜂磨

贈夏喙甫大令

雙

憶我與君交廿年廿年共宦無一錢典衣供官篋空矣
發篋大笑惟故紙左堆案牘右圖書有時抄書煩吏胥

引經斷律亦卓卓古書今人用不着卽令長刀大戟滿
世間一枝綵筆置等閒吾謀不用枉挾策轉恐文吏招
俗訕側聞聖相重經事敦詩說禮爲武備頡使從戎絳
灌徒一齊歛色談文字健兒昂昂入書坊腐儒咄咄立
路旁乃知書是豪富事白屋不敵朱門藏湘鄉相國博學好藏書督
師十年軍中將官競購書籍書肆幾爲之空亦異聞也我厭官貧棄官去君問我
貧去何處處脂不潤君亦貧一官爲我分俸緡通財能
用不負友半以買書半買酒酒酣與君論古今鄴架未
壞珍於金大業在名山行藏吾與爾招隱入書林垂白

意未已伏生轅生老不死要爲讀書留種子

送席硯香方伯

寶田

請假歸省復督師兼陳黔臬

翩翩風動轉臺旌到處揚勲舊識名嚴武開藩兼節帥
允文殺賊是書生天邊鸞鳳三遷起地上騏驎萬里行
正色立朝他日事

賜衣甯獨獎長征

御賜黃馬褂

黔山高望黯雲遮爲戀庭幃駐使車

主聖亦知親念子時難其奈

國忘家五千此路逾交趾三十何人遂建牙想到綵旌

忠孝樂白華纔奏又皇華

贈黃玉波太守

恩浩

時宰南昌

州青縣白任平章首劇才宜擅衆長已許使君尊北海
暫留仙尉澤南昌種成蘇圃花三月蔭滿徐隄柳萬行
考績連年皆第一

詔書重疊想徵黃

江湖飄泊燧烽氛十載回頭感離羣屢挫折餘還剩我

至艱難處始逢君

予初識君在同奉巡河之役時賊氛正熾也

客愁懶到新

詩蒞友契濃於老酒醺福惠在人兼故舊怪教民望重

如雲

感承
餽贈

雪花

寒薄顏生色不知何處來已從天上落又向世間開三
徑曉自掃一年春未回胡爲飛絮比絮逐苦炎埃

浪花

茫茫沈復起放眼感斯遊飄泊江湖老蒼涼天地秋以
無根蒂重肯爲雨風愁安得馮夷鼓催開作錦洲

酒花

此香真百和醞釀幾經時卓女提壺灌劉郎荷鍾移白

先防汝墮朱竟爲誰施轉動離筵感重遊要及期

燈花

綠慘紅愁裏明明艷妮人五更爲客雨一夢阿婆春有
味將書永無香當茗醑榮枯何足惜念汝久予親

七十一生辰感謝惠壽諸公

七十古來稀我已七十一從此稀又稀亦一老廢物多
謝同鄉翁計我開八秩深知我生平萬失有一得鴻文
製壽屏爲我達抑塞燕歌設壽筵爲我破岑寂同人聞
是舉篤舊名動色旣已過高軒且復傾芳液重致兩部

吹不啻百朋錫

賓主酬酢連日音樽

厚誼誠殷殷鄙懷轉惕惕

退不能歸窮老歎滯迹已分作岩叟安得附座客然而

羣賢意轉轉似可釋不遺則不偷故舊爲民式此事關

風化朋闔亦治績我則何敢辭醉酒乃飽德明知無以

報不報念豈釋感激成此詩爲君吐胸臆

壽范修伯鹺運司馬七十

雨鬢氷霜兩袖風閒堆案牘坐簾櫳竹生日又荷生日

天予清涼遺熱中

五月十三爲竹生日六月廿四爲荷花生日子生五月而君生六月也

離亂催人不自由名場逐逐思休休千磨百折還今日

一醉相逢各白頭

登堂拜母舊稱觥親見慈顏帶笑聲會堂何太夫留得人壽至百歲

祥和無限福一家人瑞過昇平

何須駐景借丹砂元老申眉氣自華身入薦章兒讀律

若論禮典已傳家

况探香孝廉

桂籍

爲其亡婦伍孺人

蕙鄉

徵詩

花風吹散黃栗留留春不住聲啾啾聲聲戀戀梳粧樓
梳粧無人樓亦愁芬芳氣體幽閒性花草因緣天配定

夫婦名號風前月下正多情玉葬香埋偏薄命羨君聰

得好女兒孝慈勤儉歸咸宜豈知靈淑別有託玉臺今
古傳新詩一卷佐夫還教子福慧雙修誰得似無端狼
藉滿淚痕賸粉殘脂兼故紙夫壻蟾宮折一枝爲問泉
臺知不知君悼亡後始登科已逐素車歸縹緲空留彤管照光
輝一樣象儀藏畫匣到老身榮貌衰怯何如冠帔是妙
年美人顏色夫人法

喜聞馬仙樵軍功保薦復官

翩翩蹤迹本飛鳧已墜旋升興不孤敢說神仙無劫運
况聞仕宦是危途十年黑雨鈴聲慘百戰青霜劍氣粗

老去得官如得道功成兼得駐顏無

仙樵好仙
故詩云云

覺園書懷四首

超超覺路出迷津以覺名園證夙因
某水某邱從此始不夷不惠與誰倫
縱橫有石皆千古粉飾無花另一春
莫道荒莊榮易落平泉榮落更頻頻

風光宜夏亦宜秋佳勝由來不費求
近寺地閒僧退院開門天遠客登樓
馱金劇草曾誰見種玉成林到處收
福境笑人輕棄擲苦留習氣說毫裘

揚雄猶被俗譏嘲寂寞談文事已清
學道有年供愧悔

謀生無術累知交未除蕪穢思藏拙暫作枝棲號寄巢
棠護蕉彈何限事倘容直筆到林坳

升沈得失總模糊幸有良朋道不孤作客早營蘇子屋
棄官全仗賀家湖險搜神鬼充談料閒課漁樵當運租
只隔一橋人不識水雲深處是歸途

湖上卽事四首

參差臺榭水雲隈湖上經營要別才橋割東流分港置
門拼西晒爲山開寓宅正對西山無多難犬疑仙去不速鷗鳬
當客來誰信傍城依市地只饒風月絕塵埃

草草安排也便休林亭隨處好春秋兩頭花雨尋詩徑
四面雲烟讀書樓未閉陳門何礙席縱營張屋不如舟
湖名宜日兼宜月幾客閒能晝夜遊東湖舊以日月分
名言晝夜皆宜也
畫舫燈籠亦一時歌場易感不勝悲何緣下里巴人和
此意中年謝傳知酒以醉醒催白髮花於榮落比紅兒
旗亭畫壁君休羨怕有玲瓏唱我詩

遊釣曾來卽故鄉何須滯迹歎塵裝亦知薄俗如雲變
終覺閒人得日長學道有年成老圃受恩無地免荒莊
商量家具吾粗足出帶奚囊入隱囊

輓謝漸磐觀察

鴻達

觀察久歷戎行軍功起家
選授南安府同知未幾復

以守城議敘擢
太守加道銜

博得勲華亦可傷十年百劫過名場人從壯歲完千古
官以閒曹庇一方白馬素車原是客芻床經筭有諸郎
嶺雲咫尺歸魂易莫戀桐鄉棄梓鄉

有友送銀子至

一紙書來友誼深受恩難報轉沉吟家人見此休相訝
貧賤從無暮夜金

諸太守諸大令迭邀襄閱試卷將赴有作

名場久謝分幽棲書劍翻疑賣賦時
隱已無文焉得老
食非其力不如飢老知輕重持衡定
窮念升沈落筆遲
到處良朋樽酒會也勝貧病杖頭貲

爲周希柳記室題三聲圖

十載征蓬久厭聽飄然暫返寄閒情
披圖悟得臧三耳
笑入書聲與紡聲

爲吳鶴舫題照

書劍隨身百戰經等閒卻借酒娛情
功成合置何官職
儒俠風流阮步兵

許星臺觀察磊盆菊爲山招陪燕賞賦菊山詩以

呈

落落孤芳賞亦希錦堂忽現勢崔巍
一年春色還秋色五采黃衣又白衣
老我支離和霧看多君持贈帶雲歸
危時愧見華不注且逐詩豪獵一圍

送何鳳閣大令

慶朝

于役旋里

大令以大挑教職由軍功得江西知

縣到未兩月卽奉役旋粵因謁祖爲長君授室

翩翩書劍少年裝
纔捷文場又戰場
到手遂令花作縣
快心先與錦還鄉
高風未墜吟官閣
鉅浪初平送客航

忽憶着鞭踰嶺去功成幾度換星霜

敢辭辛苦路千盤且博團樂酒一罇料理妻孥無官累
艱難父老爲予言芝蘭便茁資培植苜蓿曾餐識飽溫
老退愧吾歸不得戀君遲別話鄉園

問新令逐歌妓出境

竹絲山水樂平居兩者雖佳未可俱秋月春花隨地有
疾風狂雨願天無千家撒手朝歌市幾日回頭舊酒壚
轉感謝公憂樂語不容此輩豈京都

梁書厓中翰

如

隸書遺墨爲其從孫介伯大令

題

吁嗟梁中翰蒼茫見手澤憶我方少時謁公慕清德高
風在節操餘韻乃筆墨三絕公無雙六書隸只一勿問
古李程意超神自逸公壯仕京華京官重資格鳳池到
不易需次久閱歷一旦報新除同僚賀轉幟謂此班一
過再補又何日公聞慷慨起乞假遽還籍以缺讓後人
已遂老泉石功名且若屣才名詎肯弋雖復縱毫穎有
作輒散失賴此賢從孫珍重守遺迹出示屬我題知我
爲公識我讀楚庭集耆舊望顏色

楚庭耆舊集
南海伍氏輯

公也安

得忘墨痕况几席題成搔白頭感舊長太息

陳銘初貳尹

捷勳

以陳古樵大令所畫山水帳簷

屬題

二陳皆同鄉

蒼翠迷離着眼昏還山無計黯雲奔因君轉憶陳無已
高臥林泉早閉門

題張果老倒騎驢圖

倒跨張驢古至今神仙作用孰能尋到頭有進終無退
一樣韓侯背水心

壽李肇卿翁

世基

六十時封翁奉母太夫人就

養令嗣震生大令都昌縣署

精神龍馬迹閒鷗今日封翁舊縣侯俯仰兼娛真一樂
行藏無愧卽千秋簪纓門第從頭起燈火樓臺放眼遊
看子壽民身壽母承歡宜有菊泉甌

懷生畫石梅生補蒲草予綴以詩

墨痕離合繪成圖總是仙心興不孤卓立一拳旁九節
佳名恰應石菖蒲

憶杜玉田

藥裏香爐尙儼然風流回首望如仙幾人得古三千卷

一別於今四十年若論時名原做屣卻聞家業只寒蟄
不材偏壽吾慚汝蘭折桐焦世轉憐

答周繹庭太守

成民

見贈

君居東海我南海無端會合停車待

予到江在君先

江宦嗟予

頓卅年聚散浮沉幾人在百里等專城四海紛用兵僥
功倖名世競起焉有拙吏能爭榮卽今滯留非得已寥
落相逢終可喜春風秋月頻往還與君只隔一湖水湖
水何深深湖樹何陰陰感時撫景鬱不樂訪君欲出還
沉吟富貴浮雲總烏有羨爾一杯長在手青州從事舊

有名魯酒君思鄉味否男兒卽困肯故鄉昂藏叱咤君
正強豈無鮑叔知管仲或者貢禹逢王陽贈我詩篇豪
亦請借我作題破君涕君乎慎保金玉姿由來大器須
磨礪

寄懷丁恬生觀察峻時觀察領兵江東

喜丁都護得同遊卻見飛揚感滯幽茅屋寂寥徐孺宅
蕪湖蒼莽皖公樓野無青草曾干劫鞠有黃華且一秋
若問客懷何處寄雲山西畔水東頭

予寓東湖
面對西山

廿年百戰苦長征爲國忘家轉動情念我蹉跎完嫁娶

君姪聘予女時正議完婚
予過此則向平願畢矣

祝君安樂到公卿干戈未定

難如願詩酒無端浪得名慚愧老顏憔悴久累教停筆

想平生

君許爲予寫照
而久未見寄

陳樸園觀察

喬樅

約爲消寒會不果

舉坐皆熟官消寒似無謂而熟有寒心此官識特異日
者閑閑門剝啄聞君至令序一九開良朋三五萃都非
熱中人約會有深意不然衰邁叟旣隱胡弗棄憶君冰
雪姿共我風塵地廿回寒暑更萬種炎涼備賴君歲寒
心交情老彌契桃李自繁華松柏自蒼翠勝會得偏難

閒緣結匪易范叔幸未寒裘馬勉同志此日何足惜春
秋佳可繼

聽人談練勇

披堅執銳按期操軍令森嚴怕不豪可惜無窮愚百姓
一齊勉勵學持刀

年來予詩愈作愈艱恐才盡欲勿作未必能也自
題一律待證後來

才盡真應擱筆先由來強弩末難穿必分唐宋關時會
不薄齊梁避俗妍

予嘗論風氣愈開愈薄文章愈降愈
低不特漢魏澆茂非今之擬古可同

卽齊梁綺靡亦非今之艷體可到豈關才力運會使然
能分歷代數千百家而定爲百數十家已難能合歷代
百數十家而自成一家尤難平日學詩大旨如是
師許傳人篇五百張南山師
詢詩許可至矣師贈詩又有篇篇向我肺肝投之句更
許可之至詢別師久於師歿後始見師末年自定松心
全集卷終綴以寄懷詢詩一首有五百好詩傳已定之
句選擇益精許可益至一生好詩至五百首之多夫復
何憾憶少時侍坐每聞師論古今傳人談何容易今竟
以傳人許詢詩且許於自定全集之末示定論如此詢
今年七十一歲矣詩境豈復有相稱詩伯牘三千湘鄉
進何以無負吾師厚期哉悲矣相稱詩伯牘三千湘鄉
會爵相賜書楹聯款有詩伯之呼聯集蘇句閉試將名
門試草三千牘詩律輸君一百籌慚感何似

集從頭讀鉅製多歸少壯年

題李明齋畫梅

殷勤話舊交我與君最久同有鐵石心畫梅作三友

李明齋以畫菊便面屬題

晚節老未倦幽花寒更妍墨疑和露滴扇不爲秋捐風
雨仍三徑江湖又一年與君重把酒相賞寄籬邊時同客古

答陳郁堂秀才

立文

時同閱吉
郡試卷

意氣因君轉激昂忘年同入少年場已羞才盡談文字
偏感神交到老蒼白雪偶來聽曲地青原曾在讀書堂
平生愛客工愁別又是驪歌第一章

得失升沉古所悲飄零况值歲寒時風雲際遇論心酒
冰雪關防禁體詩客路正騰知子健名場雖悟悔吾遲
經營慘淡終良會書劍雙輝燭百枝

吉安試院呈同校諸公

一郡千秋著兩江頻來校閱倍心降經師藝士詞人會
理學文章節義邦代借劫緣生俊傑俗留正氣得敦龐
論才卻值論兵後弔古懷今思滿腔

老眼看花久不明叨倍末座羨時英羣公便作諸侯客

幾輩能成孺子名

孺子謂
童生也

百變江頭離合劍十年牆角

短長藥主人情重君須念要以單寒托友生

題美人觀書圖

一編磨我至於今笑汝低頭卻苦吟不識此書言甚事
殷勤費到美人心

吉安郡試以江西第一樓命題擬作

府志曉山樓在東北城上

宋文天祥書江西第一樓匾

至今光射斗牛星第一人書第一城翰墨可知留正氣
樓臺翻幸得雄名千秋風景憑闌健萬里江流攬轡清
便與羣賢作高會問誰好句最先成

舟中除夕

家家爆竹聽新聲偏是逢新觸舊情過七十年如一夕
歷三千劫似重生向平婚嫁粗能了庾信文章老更成
朔風雪江湖羈勿厭有人西北正長征

吉州之行往返舟皆滯甚既歸戲作

江神亦世情用相風弄權勢捷足助之趨窮途抑愈躓
威福到衰朽縱爾豈天意上下潮或便平聲來往風盡厲
江湖况殘臘行旅艱險備我閒無限期安用紀程計我
貧無長物安用祛篋避逆來而順受耐久行總至歸飲

屠蘇酒遲暮笑坐次

奉答劉詹巖京卿賜和致仕拙作兼簡同和鍾生

德莖鍾生欽明習生舒藻

讀公詩句想公標出處無慙興自饒娛老便聯耆舊社
酬庸終報

聖明朝

奉江西團練

名留館閣傳先定志在林泉隱更

招聞道鄉園經爽理吉祥花草盡新苗

馬帳閒開鷺渚濱

主講鷺濱州書院

我來未遇教如親生徒洒落

皆名士

謂鍾習三生

太守賢明作主人

謂吉安定靜山太守

十載成林

桃李舊千秋爲業棗梨新

新刻
大著

東山可樂誠宜樂卻恐

蒼黎屬望頻

吳竹莊方伯以新刻宋宗忠簡岳忠武二集賜寄

卻呈

聞公晉高位先爲古人喜公讀有用書文獻重綱紀愛
古不薄今有得卽付梓居高勢易呼搜羅到殘毀破俸
買手民牌蘊富且美示我宗岳集珍重圭璧比二公勲
在世傳豈賴故紙然不讀公書耳食震名耳一字一血
淚展卷忠憤起頑廉而懦立此事風化始卽就文字論

愛才肯舍此愁苦語易工世亂多才子安得著作成盡
付公劂剗繼往兼開來公意固未已今日斯文任翹首
問誰是願公入蘭臺簪筆操國史

江湖殘臘風雪扁舟行有戒心資斧亦乏沿途訪

友厯蒙餽贈兼派巡棹護行既歸賦詩寄謝臨

江單藻林興詩太守峽江陳南邨蘇豐城陳資

臣汝霖兩大令

鴻泥浮迹任西東長鋏重彈又短篷千里南臨袁瑞吉

三句冰雪雨霜風往返月餘日低昂欲辦衡材秤謂吉安

甘苦先嘗貯藥籠，餞臘迎春燈酒慣。忽驚身在客途中，
蒹葭泗水黯纏綿。偏是聯歡慘淡天，旅食困思良友重。
客行安賴長官賢，半生知己惟三五。一醉逢君且十千，
剡曲遥遥猶訪戴。況當寒夜正停船。

唁李芋仙弟喪子

一紙哀書報友知，蘭摧玉折不勝悲。可堪東郡趨庭日，
卽是西河擲杖時。訓子陶公疑太過，攜孥萊婦樂方滋。
遺編搜出傷仍慰，早著承家絕妙詞。

兩家交好識家規，侍坐頻看長幼隨。喜我倒聯羣紀友，

羨君兼得袞師兒便留萬卷傳千代忍見雙株損一枝
世上紛紛豚犬健由來英物少爲奇

燈節醉吟

歌舞千場燭萬枝太平城郭有聲施陰霾掃盡鰲山現
又是魚龍變化時

兒子永年以軍功得保知縣口占示訓

便教釋甲慶彈冠畢竟循良馬上難一樣起家文武別
總須人號讀書官

同鄉官團拜

有序

周禮環拜以鐘鼓爲節注賓客環列而拜殆團
拜所自昉禮鄉飲酒之禮注是禮三年正月
而一行也殆又同鄉感首團拜所自昉京師同
鄉同年同衙門感首皆有團拜之舉友誼於是
敦鄉情於是篤甚盛舉也予仕江三十年見吾
粵同仕江者以江無粵館又宦迹聚散無常往
往敵面不相識甚至不通慶弔所謂友誼鄉情
何在是用慨然予旣致仕僑寄東湖作寓公同
鄉官以予班格至深且忝齒長任外郡縣來省

必枉過存問備極款厚予因倡感首團拜議咸
踴躍樂成至是舉行四次矣此四歲中鄉友情
誼日聯同仕江者喜必公賀壽必公祝喪必公
輓赴新任或遷移他省必公餞貧不能歸必贖
錢公助而吾粵江宦亦蒸蒸日起擢顯秩者接
踵蓋異地周旋有和睦鄉黨之意和氣致祥理
則然耳由是推之親睦平章直關吏治維繫人
心風俗非小願諸鄉臺繼起勿懈也爰誌以詩
衣冠南海有輝光歌舞場開屬宦場今樂可能如古樂

異鄉難得是同鄉，況逢燈月歡爲社。便隔雲泥記此堂，笑我衰癯作都老年。年搥鼓集春觴。

題常州顧孝子壽南二十四孝圖

顧壽南以孝行旌表行事具

載本傳其嗣子仿諸古本集先人孝行分繪爲圖曰孺慕曰受杖曰服賈曰視膳曰侍飲曰導歸曰揮扇曰擁爐曰感神曰贈金曰侍疾曰益壽曰哀毀曰營葬曰求魚曰養志曰諫產曰睦姻曰洗膳曰割股曰扶抱曰反哺曰諷祭曰全歸前述孝父後述孝母適符二十四桑爲一編

孺慕如斯始不虛田園廬墓寢門俱

聖朝教孝三千律，令子思親廿四圖。偏喜有財供豫悅，最難到老見勤劬。留題至我翻慚愧，逐逐成名祿養孤。

延年雙喜圖爲許星臺觀察題

公庭並蒂蓮

臨江郡署

家庭並蒂菊

君家好菊菊多並頭花官遊旅館菊亦如是

爲主人妍處處聚呈複畫師傅休徵喜氣入圖幅兒女

繞青紅蔭以連理木

君伉儷至篤子孫衆多故以爲頌

而君培植心汲

汲如未足精華不肯盡極盛要蘊蓄種樹比種德惜花

兼惜福此意垂綿綿延壽爲君祝

送何鏡海觀察之任虔南

一角雄關百粵分經綸曾此靖紛紜卽今儒將爲循吏
往日災黎識使君恩入六條行雨露望懸八境作霓雲

故人贈別無多語珍重濡臺待紀勲

干戈雖定檄頻催吏敝民疲倍仗才君向虎頭操勝去

人傳豸角觸邪來

君言地經擾敝到任以整頓吏治爲先

指揮得路殊猷

見遭遇乘時偉抱開今日風雷歸吐納登臨休負鬱孤

臺

王小初太守招飲請詣以腹疾未赴感謝卻呈

杜陵肺病老堪歎孤負良朋赴會難已分無才應避席
似憐爲客勸加餐猶肝便許辭膏澤牛耳終憑王敦槃
阻嚼清醕情不盡感君先覺酒杯寬

江關春色詞呈許星臺觀察

太平烟潯大江濱
萬里梯航一色新
樽酒葡萄夷夏夏
旌旂楊柳使頒春
雲霞耀拱函關日
雨露融消鄭驛塵
岳牧尊崇誰認得
等閒談讌坐花茵

籌邊重任

詔頒催權帥賢能
集衆才幕理軍書
人物見部聞鄉語
客心開

洋客多粵人
每資訪問

笙歌鸞鳥鈞軒轉
燈火魚龍曼衍

來一樣豪華行樂地
越臺遊過又蘇臺

九江火船上海
廣州往來不斷

連月閱永年課藝甚有進境詩示獎勉

苦志十年望歡客一分生天驚疑石破水到快渠成功
業無期限文章有性情譬如春草木枯甚勃然興
汲汲從軍起求名汝太癡頑因爲業進轉幸得官遲失
學還愁我論文肯譽兒鋒鏖終勿露發匣要矜持

題王穀祥閬苑叢芳圖

啟秀披華久愈鮮王郎圖畫至今存千春顏色千秋筆
好好看花到子孫

題仇英唐明皇騎雞圖

也應恩賜大功坊唐代勲名屬賈昌五百小兒齊獻頌
雞斯歸順正封王